

# INUIT ATAQATIGIIT

## Inatsisartuni



06.12.2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

### Naalakkersuisunut apeqquq:

1. Suliffissat nutaat 2016-imi, 2017-imi aamma 2018-imi qassit pilersinneqarsimappat?
2. Suliffissarsiorlutik allatsissimasut ikileriasimasut Naalakkersuisut ilisimatitsissutigaaq, suliffissarsiorlutik allatsissimasut ikileriaatigisaat sumi sulilersimappat?
3. Nunatsinni suliffissat qassiuppat?
4. Nunatsinni suliffissat ukiuni kingullerni tallimani qanoq - amerliartorsimappat? / Ikiliartorsimappat?
5. Suliffissat amerlassusaat kommunini tamani 2016-17-18-imilu qanoq amerlatigippat?
6. Nunaqarfiit sorliit suliffissanik nutaanik ukiuni kingullerni tallimani amerlilerisimappat?
7. Illoqarfiit sorliit suliffissanik nutaanik ukiuni kingullerni tallimani amerleriarfiusimappat?
8. Nunaqarfiit sorliit suliffissanik ukiuni kingullerni tallimani ikileriarfiusimappat?
9. Illoqarfiit sorliit suliffissanik ukiuni kingullerni tallimani ikileriarfiusimappat?
10. Suliffissarsiorlutik allatsissimasut qassit ilinniartitaanikkut ingerlatsilersimappat?
11. Suliffissarsiorlutik allatsissimasut ilinniarsimannngitsut qassiuppat?
12. Ilinniagaqarsimallutik suliffissarsiorlutik allatsissimasut amerlanerpaataasa ilinniakkanut assigiinngitsunut tallimanut agguaraanni suna ilinniagarikkajuppaat?
13. Ukiuni kingullerni qulini suliffissaaleqineq akiorniarlugu suliniutit suut iluatsissimappat?
14. Suliffissaaleqineq akiorniarlugu iliuutsit suut iluatsissimanersut Naalakkersuisut oqaatigisinnaavaat?
15. Suliffissaaleqineq akiorniarlugu Naalakkersuisut iliuusissat iluatsissimasaat inunnik qassinik sulilersitsisimappat?
16. Naalakkersuisut suliffissaaleqineq akiorniarlugu iliuusissaat kommuniniit qanoq suliarilluarneqartigippat?
17. Suliffissaaleqineq akiorniarlugu ukiuni kingullerni tallimani Naalakkersuisut suliarisimasaat suuppat?
18. Suliffissarsiorlutik allatsissimasut nunatsinni ukioqatigiiaanut agguataarsimanerat qanoq

# INUIT ATAQATIGIIT

## Inatsisartuni



**isikkoqarpat?**

- 19. Ukiuni kingullerni tallimani Kommunit sorliit suliffissaaleqineq akiorniarlugu iluatsitsinerpaajullutik suliffissanik nutaanik pilersitsisimappat?**
- 20. Kommunini sorlarni suliffissaaleqineq ukiuni kingullerni tallimani qaffakkiartuinnarsimava?**

(Inatsisartunut ilaasortaq Aqqaluaq Biilmann Egede)

### **Tungavilersuut:**

Suliffissaaleqinerup akiornissaa suliassaavoq annertoq aamma pingaaruteqartoq. Nunatsinni ajornartorsiut sumiiffinni tamani inoqarfiusuni tamani atuuppoq. Inuppassuit suliffissanik nutaanik ujartuinerat Naalakkersuinikkut qanoq iliuuseqarfigineqarsimanersoq assut paaserusunnarpoq. Taamaammat pingaaruteqartorujussuuvoq apeqquteqaatit ukua Naalakkersuisuniit erseqqilluinnartumik akineqarnissaat. Inuiaqatigiinni ajornartorsiut annertoq pingaartilluinnarlugu angusaqarfiusumillu Naalakkersuinikkut kommunit peqatigalugit iluatsittumik suliaqarsimanissaat pisariaqarluinnarpoq. Tamanna paasisaqarfigerusunnaqaaq. Matumani pisara tassaavoq ukiuni kingullerni pisut qanoq ingerlasimanerat paasisaqarfigissallugu. Matumani pinngilara siunissami Naalakkersuisut sunik anguniagaqarnersut. Erseqqissarlara apeqqutiginninnakku Naalakkersuisut siunissami qanoq pilersaaruteqarnersut. Apeqqutigaara ukiuni kingullerni Naalakkersuisut qanoq angusaqarsimanersut. Isumaqarlungalu inuiaqatigiinni suliassaq ilungersunartoq akiorniarlugu sulinermi iluatsitat suunersut. Suut anguneqarsimanersut, aamma pitsanngoriaatit atorluartariaqakkagut suunersut paasisaqarfigissallugit.